

《中國地方藝文薈萃》 編委會 編

華夏出版社



藝文卷·第三輯

華東卷·第三輯

肆

中國地方藝文薈萃

《中國地方藝文薈萃》編委會 編

貴州師範學院內部使用

續梁溪詩鈔二十四卷（三）

貴州师范学院内部使用

續梁溪詩鈔二十四卷（三）

侯學愈輯

據民國九年（一九二〇）無錫錫成公司鉛印本影印。

續梁溪詩鈔卷二十一

梁溪 侯學愈 戢倉氏 纂

閨媛上

顧 慈

慈字昭德署四川按察使光旭女舉人張誠室著松韻樓詩集

聞秀正始集曰光旭乾隆壬申進士官四川以詩名於時諸女能傳其學昭德姊端字昭華妹蘊字昭暉均有詩集行世

敬和家大人九月八日離下作

愛花如愛古相賞成二難
涼雲滿幽戶零露棲崇闌
天地本無私榮枯順所安
臨窗寫霜景得意乘古歡
豈無一樽酒況此秀可餐
白日忽西淪驚風逼歲寒
漸看新月上清影照林端

門前秋水深不問桃源口
細雨澹青山烟光冷疏柳
閑情招野鶴掃石雲礙帶
了悟清淨緣萬物我何有
視彼行路人營營誰不朽

采菊雖盈把不插頭上髮
憶昨侍庭闈秋風下三巴
寒濤驚萬里山色迎歸家
嗚呼

大父歿惆悵籬下花花開又三年花葉紛交加
補彼蟋蟀詩愴然感歲華朝光散園林
碧酒掛流霞

古人賦杞菊把玩自忘饑徘徊竹林下
寒霜凝不飛詩書乃吾好清言究其微
悠悠大夢中盡外人情非陶然賞吾趣
此中全天機蒼蒼秋色裡遙望白雲歸

雲棧紀行

青蓮昔歌蜀道難讀之已覺心神寒
今來雲棧試登陟撫膺那不增長歎
我行正值仲夏節草木叢雜交巖巒
危崖絕壁誰能上十步九折敢少安
中懸一徑通徑路平視百尺驚風湍
山雨欲來天黯黯白日不見雲盤盤
猿猴一聲叫何處萬壑相應爭呼謹
嗚呼蜀道何其難一車二馬趨雲端
陡然馬逸不可止過澗陟嶺疾於矢
殆哉岌岌車中人呼吸之間判生死
忽驚車如桶脫底此身已在路傍立
出險移時魂尚驚家人問訊爭來集
人言此是煎茶坪寒澗萬丈山崢嶸
倘令一墜那得取過客往往傷厥身
吁嗟乎蜀道之難有如此畏途巉巖
從此始

永安宮懷古

生子當如孫仲謀景升兒子豚犬儔天生使君續炎漢英雄蓋世誰與侔惜哉阿瞞
東下日力弱未及收荊州遂令紫髯得竊取從此爭奪成熒仇關張無命旣先殞帝
乃震怒興戈矛獍亭一役歎蹉跌六飛此地曾淹留手書遺詔付丞相惟賢惟德眞
嘉猷千年故址委榛莽空山落日行人愁東望螭磯數千里江水湯湯日夜流

題松韻樓

松樹何年種樓陰竊碧霄風清書幌靜寒翠玉琴調入夢聲偏遠和秋色自遙韻流
春冉冉佳意付詩瓢

茉莉

纖月含秋意微雲逗夕陽小花傾雪瓣細蕊滿叢芳淡洗餘春色香凝靜女粧疏簾
清夢覺枕簟自生涼

次昭華伯姊偶興三首

簾捲薰風拂翠烟一林殘雨熟梅天悠然興寄琴樽外小坐松陰欲破禪
佳句欣看月正清竹磻聲靜四無聲夜深也作池塘夢春草庭前雨乍晴

雲光澹蕩自晨昏
悶綠傭紅過雨痕
坐久不知啼鳥換
道心詩味共存存

秦氏

氏王千仞室以子寬貴誥封太恭人

奉答堂上

歲簡年來懶問津
半緣兒女半緣身
詞壇未許闈房涉
却悔當初漫效顰

劉汝藻

汝藻字湘南四品封典楊少芝室丹陽訓導紹基母早寡撫孤守節詔旌節

孝入祀惠山貞節祠幼承家學好弄柔翰嘗論詩曰閨閣詩性情為上音節

次之才華又次之識者以為知言著筠心閣詩集

侯楨序筠心閣詩曰節母孀居有王媪日侍左右雖窮餓不去凡餓猶井白皆媪主之故得專力於詩雖天之所以待節母者至深且厚而媪之忠於所事亦可風也

偕伯嫂虞謫仙遊大樹園

風信更番到林葩
漸拆紅園丁花徑
闌菜甲雪畦融眠蝶
棲香塢遊蜂戀錦叢
好攜

諸姊妹鬪草畫堂東

小樹臨溪築當牕景物妍禁烟寒食節細雨落花天舞燕迎風側遊魚蹴浪圓行行防步滑石砌膩蝸涎

偶成

一曲歌殘金縷詞慵梳蟬鬢曉妝遲雪兒老去能調律鄭婢新來亦解詩買笑花開雲錦鼠療愁草長露華滋綠陰門巷參差暗正是江南櫻笋時
琴曲初停綠綺彈二泉新淪剖龍團好攜玉盞屠蘇酒試饜芳羹菰米餐一桁簾低蝦箔短四和香燼鵲爐寒霞裳新製垂瓊珮還擬湘江九畹蘭

采蓮詞借伯嫂分韻同作

吳姬采蓮漾銀塘打槳驚起雙鴛鴦鴛鴦飛散入遠沚千柄紅蓮綠雲裏綠雲覆渚菡萏秋花開出水過人頭過人頭入花去棹謳一曲不知處折得蓮花笑語歸香風一翦吹羅衣

養蠶詞

桑葉青吳蠶食葉風雨聲桑葉綠蠶絲乙乙看上簇蠶娘拜馬頭有願低聲祝願多
結繭春絲熟絲絲但織阿翁服阿翁非絲體不煖

春日游寄暢園

水榭風廊闌綺橋徑通石磴時高亭濃陰萬樹都成幄恰借龍山作畫屏
水色山光堪入畫橋邊小立獨徘徊偶然作餌垂竿釣愛看文魚逐隊來
寒梅萬本競芳姿曲徑遙通淮海祠一瓣心香禮雙孝我來瞻拜有餘師

拜別家大人於華亭學署兼呈伯姊

三泖擅佳秀幽冷稱閒居嚴親一官繫首着盤中儲我行買輕舸欲別牽羅裾父云
兒此去幾時省庭除含悲不能答念昨得家書門戶累尊嫜眉結常不舒曾姑况病
目杖履須人扶豈不戀慈幃婦職久已虛去留兩地難不如返故廬瑣屑理歸裝心
碎慮反疎再拜別慈顏背面先欷歔一步十迴顧行行轉趨趨僮僕促前程紅日將
西哺

伯姊送我行未語氣先咽我有千萬言到此難盡說伯兄登賢書公車上北闕仲兄

賜宮袍石渠繻館秩季弟任門戶江鄉亦遼闊侍奉更無人誰譜白華潔況我歸桑
梓惟餘夢飛越仰賴姊賢孝親心庶無拂別緒如重繭繅絲不可絕揮手謝千山月
明榜歌發

到家

小犬迎門吠奚奴喜欲狂未遑談絮語先去慰高堂婦職慚多曠翁顏久已蒼殷勤
奉甘旨厨下作羹湯

思親一首寄呈大姊

秋雨兼旬久水溢芙蓉塘蓉塘波淼淼別緒與之長昨夢遊九峯嚴親勸加觴慈幃
欣促坐笑語殊未央醒來一歎息落月滿屋梁憶昔別親時牽衣斷人腸提挈荷親
恩鏤骨深未忘涼秋屆九月節序記白藏空庭木葉脫微風發清商霜威搜北牕露
氣侵西廊親年已垂髦曉寒襲帷裳遠別心耿耿含悲淚浪浪伯兄登龍門仲兄貢
玉堂膝下更無人誰爲感冰魴幸賴吾姊賢差能奉壺漿雲間足珍味鮮肥產江鄉
柳湖風浪闊鱸魚巨口張更兼華亭舍葦菜綠含芳甘脆粗足供所願亦已償我今

隔梁溪陟帖心所傷願親賜尺書河鯉遙相將潮落薛澗湖煙波浩茫茫

少芝夫子下世已三年矣撫歲序之推遷痛化臺之永訣登樓望月爲之慨然
涼露空濛浸碧天深宵明月照樓前姮娥已是千年寡何苦清輝一片圓

有感

身世茫茫萬事非歌殘黃鶴淚頻揮休題舊恨添眉皺莫放新愁減帶圍荒院小
獨迎客吠空倉餓雀避人飛韶光瞥眼春如夢怕檢箱中金纓衣

和兒紹基弔梁鴻墓之作墓在要離冢北

儂家居住梁鴻溪粼粼柳浪紅橋西今來偶訪梁鴻墓蒼蒼松翠荒郊路憶昔貧時
廡下春餅饅得托臯伯通伯通高誼世無比有眼識拔奇男子一時夫婦案齊眉千
秋賓主雷貫耳牖下彌留病欲危一腔心事主人知吳閭三尺要離塚相近同心馬
鬣宜烈士墳高士墓咫尺春風等閒度我來瞻拜歌薤露黑風倒捲紙錢灰老鴉啼
上冬青樹

奉旨入惠山節孝祠感賦

廿載含荼茹藥心衰殘門祚苦相侵艱辛只當尋常事未要旁人鑒寸忱
金經一卷篆香溫繡佛長齋晝掩門到底皇天酬苦節滿園竹已長龍孫
巍巍綽楔荷深恩天降鸞書詔語溫今日新祠山下做前賢瞻仰弔貞魂

述懷示兒紹基

秋荼誰解苦茹苦此心獨欲話從前事淚珠已盈掬憶昔喪所天分飛痛黃鵠堂上
姑先沒翁老頭髮禿曾姑猶強健尋復病雙目雞鳴問起居櫛髮未遑沐兩女年尙
穉一子未就塾遺經手澤在吞聲不忍讀涼風動秋帷慘淡燈光綠書聲雜鳴機
軋斷復續寒衣處處催刀尺未裁服艱辛任門戶攬鏡眉常蹙關心白首親扶持倚
筇竹願得駐桑榆常此奉魚鮒何期風木摧遭此天罰酷養親傷不逮鬻子謀式穀
訓迪逾十年差喜見頭角倖探泮璧芹明經早登擢初出試博士薄秩荷天祿首稽
貯空盤廣文飯不足家風本寒儉何妨廩無粟嗟余昔罄居早歲忍饑腹薪米既珠
貴况復艱鞠育兒女漸長成婚配亦宜速經營嫁娶畢暗淚已千斛茲看髮種種拳
曲同蝟縮猶喜精力健小飲新醅熟甘脆競羅列子婦意淳篤孫女牽我衣紈扇粉

科才希陳思斗耽吟兼各體正始法能守辛勤憤課兒鳩膽和憶柳膝前
 既成凌厥詞揚厥伯也天廟委大夫能擅九雍容視草臺飲院叨燭酒膝仲氏
 亦工詩情思吐助助手任飛卿又中心隨昌步前高門所自出霞筆逮下走
 昔游婺州快瞻燕許一手通籍十年中花磚步前後惜宋拜宜文妙筆惟想訓
 庭盛桂雙株軒開放一畝格素生雲煙篇章儘瓊玖
 定知此殺奇集並遺芳壽翠孺頰前徽龍山遂翹首

與四弟池邊玩月

身扶花影過溪橋，鳥鵲無聲夜寂寥。却笑古人多秉燭，負他素女倚青霄。

芙蓉湖棹歌

射貫湖頭煥春色，綠楊深處流鶯歇。流鶯宛轉喚人游，波上蘭橈紛似織。從來吳地
 尚奢浮水市，花船夜未休。士女嬉春賭豔冶，新粧逐隊迷芳洲。何處麗人坐畫鷁，織
 纖素指橫羌笛。笛聲清越隨風飄，共喜湖天破寥寂。昔年此地盛荷花，十里繽紛爛
 若霞。五瀉輕舟携美酒，三吳名士鬥詞華。采蓮多少隄邊女，已遜花容奈何許。綠波
 淼淼蕩舟來，妒煞風前嬌欲語。祇今湖水接天寬，極目清漣浸翠巒。晚來莫上望湖
 閣，一片蒼茫煙景寒。

舟行雜咏

讀史詩少
 虞友蘭
 六
 遠讀齋校本

船窗一路水車聽
炙背焦頭未肯停
寄語他年斂租客
力耕須惜此時形
水雲閒澹白鷗家
有女苔磯坐浣紗
莫向芙蓉羨顏色
夷光那及孟光嘉

採桑歌

箕星簸影搖寒芒
風姨剪綵綴八荒
嫩葉陰陰鳩拂羽
柔條冉冉鶯弄吭
馬頭何處迎三娘
羅敷十五慣采桑
門前梯影亂如織
攀援俱出鞦韆旁
我聞帝女蠶蜿蜒
盈尺長又聞園客繭
如嬰堆滿堂
願得纈絲歷久兮
似雪霜勿使墨子兮
懷悲傷

採蓮歌

朝霞暮霞水色中
芙蓉敷豔揚薰風
鄰姬三五新妝畢
競采枝頭並蒂紅
花慙人顏鬪華纒
鬧紅一舸馳晴旭
皓腕擎來笑語喧
珠喉動處歌聲續
安得廣長舌
粲出生花香安得智慧劍
削卻塵根長盡將蓮瓣
兮化慈航勿使苦海兮
悲茫茫

辛丑九月潤軒弟及旭岡姪赴都余同春圃姪並兒輩送至京口游金山後放舟至蕉山江樓開飲乘月而歸明日作此贈行即用留別原韻

蕩滌離愁滾滾濤空江挈伴趁秋高
謝公興爲看山發宗慙心原破浪豪
兩點岫痕